



Nýr Landspítali staða framkvæmda og fréttir af verkefninu

- **Fyrsta skóflustungan að nýrri viðbyggingu við Grensásdeild Landspítala**
- **Uppsteypa meðferðarkjarna, undirbúningur að uppsetningu útveggjaeininga er hafinn**
- **Stýrihópur um skipulag framkvæmda við Landspítala heimsækir framkvæmdasvæðið**
- **Hrafngata tekur á sig mynd**
- **Forskoðun vegna undirbúnings á öðrum áfanga húsnaðis Landspítala**
- **Samningsundirskrift vegna uppsetningar vinnulagna í meðferðarkjarna og bílakjallara**

Fyrsta skóflustungan að nýrri viðbyggingu við Grensásdeild Landspítala



Fyrsta skóflustungan að viðbyggingu við Grensásdeild Landspítala


Heilbrigðisráðherra, Willum Þór Þórsson, tók 5. október fyrstu skóflustunguna að nýrri viðbyggingu við Grensásdeild Landspítala. Auk ráðherra tóku skóflustunguna Runólfur Pálsson forstjóri Landspítala, Svava Magnúsdóttir fulltrúi Hollvina Grensásdeilda, Arnar Helgi Lárusson formaður SEM samtakanna svo og starfsmenn Grensásdeilda þær Guðbjörg Efemía Magnúsdóttir og Eiríksína Kr. Hafsteinsdóttir. Viðbyggingin verður 4.400 m² að stærð. Stefnt er að því að nýbygging Grensásdeilda verði tekin í notkun 2027.

Willum Þór Þórsson heilbrigðisráðherra sagði við þennan viðburð að hann væri viss um að þessi langþráða viðbót við Grensásdeildina eigi eftir að reynast starfseminni vel. „Í allri heildaruppgjöggingu Landspítalans er nauðsynlegt að halda því til haga að það er verið að fjárfesta í steypu, veggjum og öðrum innviðum til þess eins að skapa góðar aðstæður fyrir fólkioð innan veggjanna. Við erum því fyrst og fremst að fjárfesta í fólk og byggja undir áframhaldandi öfluga heilbrigðispjónustu“, sagði Willum.

Gunnar Svararsson framkvæmdastjóri Nýs Landspítala ohf. sagði að verkefnið við Grensás sé eitt af fjölmörgum sem Nýr Landspítali ohf. sinnir og það fyrsta sem félagið sinnir utan framkvæmdagirðingar á Hringbraut.

„Nú þegar hönnun er langt komin og jarðvinna er að hefjast þá tekst NLSH á við nýjar áskoranir að byggja í þegar byggðu hverfi. Umhverfis- og öryggismálin eru alltaf hjá féluginu í öndvegi og munu verða það í þessu verkefni líka. Markmiðið er að verklegar framkvæmdir séu unnar í sátt við allt og alla“, sagði Gunnar.

Uppsteypa meðferðarkjarna, undirbúningur að uppsetningu útveggjaeininga er hafinn



Fyrsti hluti botnplötu í bílakjallara hefur verið steyptur

Uppsteypa meðferðarkjarna gengur vel upp og undirbúningur fyrir uppsetningu útveggjaeininga er hafinn og munu fyrstu einingarnar verða settar upp í nóvember að sögn Árna Kristjánssonar staðarverkfræðings Nýs Landspítala.

„Einingarnar koma fullbúnar úr verksmiðju og eru festar í rennur, sem steyptar eru í burðarvirki hússins. Áætlað er að uppsetning eininganna taki um 14 mánuði, en á tímabilinu má búast við mikilli útlitsbreytingu á mannvirkini. Uppsteypa hússins er á lokastigi, en töluverður gangur er í uppsetningu stálvirkis og uppsteypu millibygginga. Uppsteypa í bílakjallara undir Sóleyjartorgi er í fullum gangi, en þar er búið að steypa fyrstu botnplötuna, þar sem 400 m³ af steypu var dælt í þennan plötuhluta og vinna hafin við uppsteypu á neðri hæðinni. Vinna við bílastæða- og tæknihús er í fullum gangi, þar sem byrjað er að steypa á 2. hæð yfir jörðu. Jarðvinna fyrir rannsóknahús er í vinnslu og reiknað með að uppsteypa hefjist þar á næstunni“, segir Árni.

Stýrihópur um skipulag framkvæmda við Landspítala heimsækir framkvæmdasvæðið



Fulltrúar stýrihóps ásamt framkvæmdastjóra, stjórnarformanni NLSH og teymisstjóra áhættu og samræmingar

Þann 6. október heimsóttu fulltrúar úr stýrihópi um skipulag framkvæmda við Landspítala framkvæmdasvæði NLSH.

Stjórn og framkvæmdastjóri NLSH kynntu stöðu verkefnisins og að því loknu var framkvæmdasvæðið skoðað undir leiðsögn Ólafs M. Birgissonar teymisstjóra áhættu og samræmingar.

Framkvæmdir við bílakjallara ganga vel



Hrafnsgata er ný gata innan lóðar Landspítalans við Hringbraut

Hrafnsgata er ný gata innan lóðar Landspítalans við Hringbraut.

Gatan liggur í austur/vestur meðfram norðurhlíð nýja meðferðarkjarnans og skilur hann að frá Barnaspítalanum, Kvennadeildinni og gamla húsi spítalans. Heilmikið mannvirki tengiganga (þrjár hæðir að hluta) er undir götunni og hefur Eykt nú lokið við að steypa tengigangana meðfram allri hlíð meðferðakjarnans.

Forskoðun vegna undirbúnings á öðrum áfanga húsnæðis Landspítala



Vinnufundur vegna undirbúnings að öðrum áfanga húsnæðis Landspítala

Þessa daga vinnur NLSH að undirbúnungi fyrir áframhaldandi uppbyggingu húsnæðis Landspítala. Að sögn Ingólfss Þórissonar, sviðsstjóra tækni- og þróunarsviðs, þarf að taka afstöðu til veigamikilla þátta svo sem húsnæðis geðþjónustunnar, uppbyggingu húsnæðis fyrir dag- og göngudeildir, húsnæðis fyrir öldrunarlækningar og margra annarra þátta. Til þess að móta verkefnið hefur verið leitað liðsinnis hjá Nordic Office of Architecture. Þar eru bæði innlendir og erlendir sérfræðingar með mikla reynslu af gerð þróunaráætlana fyrir húsnæði háskólasjúkrahúsa. Fyrir stuttu var vinnufundur með sérfræðingunum í húsnæði NLSH.

Samningsundirskrift vegna uppsetningar vinnulagna í meðferðarkjarna og bílakjallara




Fulltrúar NLSH og Þelamerkur við samningsundirritunina

NLSH ohf. og Þelamörk ehf. undirrituðu þann 11. október samning vegna uppsetningar á vinnulögnum, raf- og bílakjallara undir Sóleyjartorgi. Samninginn undirritaði f.h. NLSH ohf., Gunnar Svavarsson framkvæmdastjóri og frá Þelamörk ehf, Marinó Þórisson.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is